



1 4  
1555  
145

145





第十九集

知不足齋叢書

長塘鮑氏開雕



第十九集

知不足齋林取書

長塘鮑氏開雕



門 4  
號 1555  
卷 145

知不足齋叢書

第十九集

文苑英華辨證 十卷

詩紀匡謬 一卷

西塘集耆舊續聞 十卷

山房隨筆 一卷

勿菴歷算書日 一卷

黃山頌要錄 一卷

世善堂藏書目錄 二卷

目錄第十九集

知不足齋叢書

昭和十九年  
四月十日購求



文苑英華辨證



文苑英華辨證敘

文苑英華辨證敘

叔夏嘗聞

太師益公先生之言曰校書之法實事是正  
多聞闕疑叔夏年十二三時手鈔

太祖皇帝實錄其閒云興衰治口之源闕一  
字意謂必是治亂後得善本廼作治忽三折  
肱為良醫信知書不可以意輕改文苑英華  
一千卷字畫魚魯篇次混淆比他書尤甚曩  
經



孝宗皇帝乙覽付之

御前校勘官轉失其真

詳見益公序篇

公既退

老丘園命以校讎膚見淺聞寧免謬誤然考訂商摧用工為多散在本文覽者難徧因會粹其說以類而分各舉數端不復具載小小異同在所弗錄元注頗略今則加詳謂如一非者今則聲說其未注者仍附此篇初不注者後因或人議及今存一勒成十卷名曰文苑英華辨證云嘉泰四年冬十有二月己丑朔鄉貢進士廬陵彭

叔夏謹識







卷之二

事誤一

事誤二

事疑

人名一

人名二

卷之三

人名三

人名四

人名五

官爵一

官爵二

官爵三

卷之四

郡縣一

郡縣二

郡縣三

年月一

年月二

知不足齋叢書

知不足齋叢書



卷之五

年月三

年月四

名氏一

名氏二

卷之六

名氏三

題目一

題目二

門類

脫文上

卷之七

脫文二

脫文三

脫文四

同異

卷之八

雜合



文苑英華辨證目錄

避諱

異域

鳥獸

草木

卷之九

雜錄一

雜錄二

雜錄三

卷之十

雜錄四

雜錄五

文苑英華辨證目錄

文苑英華辨證目錄

人齋叢書







文苑英華卷一

賦一

文苑英華卷一

文苑英華卷一

一 知不足齋叢書



玉有瑕穢必見於外故君子不隱所短則穢  
字是○白居易賀雨詩已責寬三農迺用左  
傳晉悼公已責事謂止逋責也而集本文粹  
並作責已上文已云下罪已詔此不應又云責已○權德輿李國貞  
碑人命將泛迺用漢食貨志大命將泛泛方



勇反覆也而集文作沈○此類當以文苑為  
正內不言木題者  
所用非一處也

用字二

凡字因疑承訛當是正者○如李邕日賦將  
開谷兮永言豈覆盆兮貽悔開當作閉見文  
選曹植與吳質書閉濛汜之谷○驕陽賦闕  
他皆水于土而成妖于當作干見春秋繁露  
做此水于土則大旱○又誓中隅而有請詳上文  
指廣漢從事按搜神記諒輔為廣漢從事夏

旱出禱誓至日中雨不降請以身塞廼積柴

將自焚至禹中時雨大作據此則中隅當作

禹中馬淮南  
子作隅○吳融沃焦山賦嘉穀薿薿五穫

何利詳上文言幽并之墟按管子恒山有穀

四種五穫據此則嘉穀當作嘉穀○賈餗履

薄冰賦時剡剡而屢起屨當作屨禮記弁行剡

剡起屨○王澄梓材賦掄材者杼杼當作杼

廣韻杼木工匠或作梓○浩虛舟王者父事

天兄事日賦草邑難窮屢軫南陔之戀棠陰



易匿常思棣鄂之華邑或改作昧非也南陔  
補亡詩云循彼南陔厥草油油彼居之子色  
思其柔則邑當作色○日中爲市賦權層於  
焉積實按漢趙王彭祖傳爲賈人權會師古  
曰專權賈人之會若今和市會工外反則權  
層疑作權會○高郢吳公子聽樂賦馬弭毛  
而仰秣魚竦鱗而躍浪按左思吳都賦馬弭  
髦而仰秣魚竦鱗而上升則毛當作髦竦當  
作竦○林慮山人鍾期聽伯牙鼓琴賦納正

集邪按白虎通琴者禁也禁止於邪以正人  
心也則集當作禁○梁涉長竿賦有格釋之  
脩竿按司馬相如大人賦建格澤之脩竿注  
格澤氣也格胡各反澤大各反則釋當作澤  
○樊晦燕巢賦或在王筵王筵當作玉筐文  
選安陸王碑注云有娥氏取燕覆以玉筐○  
王起魚銜珠賦得廉寸之彩廉疑當作兼左  
思魏都賦明珠兼寸又疑作度韓詩外傳良  
珠度寸○又如董思恭日詩滄海十枝暉見



山海經扶桑九日居下枝一日居上枝而或  
作滄海十文暉○楊炯謩宴應詔詩妖星六  
文出見漢天文志五殘六賊司詭咸漢四星  
並去地可六丈而或作妖星六紋出○王勃  
九成宮頌林兵護野方臣啓路臣疑當作神  
班固東都賦山靈護野屬御方神篇末第十七頌亦云方神護野  
○又架千樓而致極致疑當作擻揚雄甘泉  
賦擻北極之嶸嶸○劉藏器恤刑策赭衣艾  
筆筆疑作畢荀子治古無肉刑而有象刑其

艾畢殺赭衣注畢與鞞同或云古艾筆畢通用○薛道衡

老氏碑非纓知恥畫服與慙非一作非疑當

作艸艸古草字草纓見慎子○王延昌河濱

碑春以泮凍秋以涸流涸流當從漢書郊祀

志作涸凍○文墨相望文墨當從國語作文

墨五尺為墨○漸邑摩城漸當作擻音懣舉手擬

之也見揚雄長楊賦○崔太師家廟碑眊眊

孝子眊眊疑當作翬翬音沐謹愿貌見漢書

鮑宣傳○權德輿李國貞碑亂之劇也劇當



從集作剡國語舅犯曰大亂之剡也不可犯也注剡鋒也○張說鄭夫人誌閨門之訓閨當從集作闕國語文伯之母闕門與康子言注闕闕寢門也闕音薦○干邵謝賜甘子狀分甘絕劣按司馬遷傳李陵絕甘分少今文既顛錯少又作劣恐當云絕甘分少○溫庭筠上杜舍人啓物乘其勢則嗜紀畫塗按王褒傳忽若彗汜畫塗言其易也今訛作嗜紀恐當云彗汜畫塗○此類覽者所宜詳也

用字三

凡字有兩存於義亦通者○如天晴景星見漢天文志晴當作暝暝精明也○雍時舉燿火史記漢書作權火而張晏注史記權火音燿周禮有司燿許氏說文舉火曰燿司馬氏史記索隱作權火孟康注漢書云狀如井絜阜如淳曰權舉也○喬潭羣玉山賦登隱空石鎮罔兩賦登隱空之丘莊子本作隱弁釋文弁符云反又音紛○賈餗穿楊葉賦誤詬



不能以施力莊子本作喫詬喫口懈反喫詬  
多力也○李德裕大孤山賦掩二山而磔豎  
據郭璞江賦虎牙磔豎以屹峩而諸本並作  
磔○陶洪滅裂禾賦並陵藐而靡窮據揚雄  
甘泉賦入凌兢或云凌○陳子昂陳明經誌顛  
頤虎頭顛文粹作欽按後漢周燮欽頤注欽  
或作顛凡反而集又作燕頤○此類並仍  
其舊或注一作

用韻一

凡前人用韻有兩音而不可輒改者○如吳  
均酬別詩押亮字韻下云七寶雕華裝裝唐  
韻側亮反行裝也而藝文類聚改作華杖陶翰  
贈盧司倉詩末由飭仙裝亦是去聲而或改作仗○孟浩然送辛大不及詩  
押汝字韻上云日暮獨悲余余與予同楚詞  
目眇眇兮愁予從上聲讀而集本改作愁緒  
○李父贈同行入詩駟馬何嘗驅正用樂府  
駟馬驅事驅唐韻區遇反或改爲駐而不知  
前已押節序催難駐矣○又如朱休駕幸太



學賦各呈材而切磋唐韻磋七過反而或改  
作效課揚濤蟻穿九曲珠賦乍見規行之迂  
唐韻迂於武反迴曲貌而一本疑平聲不協  
韻改作迓尤非○此類當以文苑為正

用韻二

唐韻數平側次序初無定格今略舉一二  
○有四韻者秦階六符元亨利貞秋月至明周照莫茨  
呈瑞聖朝丹甌豐年等篇是也○有五韻者五星  
同色吳天有成命海上五色雲餘霞散成綺金莖日華川上動殘雪

明月照積雪等篇是也○有六韻者止水唐書魁題

道德仁義希夷信及豚魚聖朝道乎微隱善師不陣聖朝威服遠人等篇是

也洪氏容齋續筆乃以唐登科記東郊朝日賦國家行仙之令人

鏡賦主聖臣道光貞指為六韻按文苑所載乃是國家行仲春

之令七韻王聖臣忠道光貞觀○有七韻者日冉中漢

八韻蓋登科記闕此三字耳觀紫極舞大樂與天地同和等

帝時數如此武藝絕倫成天下○有九韻者一氣

扁是也○有八韻者今為定格○有十韻者千秋鏡鵲飛如向月

合景星狀無常出竹宮望拜神光上辛之日有事於圓丘

大儺命有司送寒氣肅京室○有十韻者千秋鏡龍盤似映光

秦客相劍決浮雲清絕塞通題為韻冰壺清如玉壺冰諸篇是



也洪氏又有三韻者引花萼樓以題為韻誤矣按登科記花萼樓賦并序以題為韻今文苑花萼樓賦以花萼樓賦一首并序為韻押入韻凡有五首蓋唐賦所謂以題為韻者或并賦字押凡六韻今花萼樓賦一首并序以題為韻凡八韻非三韻也○其八韻則有仄平

四側者今為○有三平五側者日月合璧兩曜相合

候時不先王正時令四時漸差○有五平三側者

冰將釋和風既至玉壺冰堅白貞虛諸篇是也洪氏

宣耀門觀試武舉人賦君聖臣肅慎擇多士幽蘭賦遠芳襲人悠久不絕金柅賦直而能一斯可制動為三平五仄今文苑所載慎

擇為精擇悠久不絕為終古無絕直而能一○有一二平六側

者泗濱浮磬美石見質圖畫功臣立石露功○有

六平二側者白雲無心山川出雲鑿壁偷光將欲食

麟角洪氏以旗賦風日雲舒軍容清肅為六平二諸篇是也成

仄登科記必誤○有以平上去入為韻者如三無私山

公啓事等篇是也○有平上去入周而復始

者如空賦三足鳥賦等篇是也洪氏又云自大

為常按登科記大和六年試君子之聽音賦以審音合

志鏗鏘為韻猶是六韻開成三年試霓裳羽衣曲賦任

用韻文苑所載三首第一篇六韻第二第三

事證

凡用事有可以證他本之非者○如楊炯渾



天賦日應於天桓君山由其發難按晉天文志桓君山曰天若如推磨石轉而日西行者其光景當如此廊下稍而東耳不當拔出去拔出去是應渾天法也據此則日應於天為一而文粹迺以日作候○又影短而多暑影長為多寒按周禮日南而景短多暑日北而景長多寒諸史志並同而文粹作影長而多暑影短而多寒○又執法者廷尉之曹大夫之象按晉志左執法廷尉之象右執法御史

大夫之象而文粹作大臣之象○又星芒伏鼈按前志旬始其怒青黑色象伏鼈宋均曰怒謂芒角刺出而文粹作星流伏鼈○王起禮六宗賦天宗必降按月令祈來年于天宗注謂日月星辰也詳此賦上文言禮于三辰則天宗為是而一本迺作六宗○張九齡神池頌天根有見會是不涸按國語天根見而水涸注天根亢氏之閒寒露後五日朝見而集本迺作天眼○李庾東都賦至天后朝匪



伊是居於焉逍遙文粹以至天后朝作高祖  
至于后朝按東都隋置武德四年廢則天改  
曰神都遂居之殆非高祖時也○杜牧李給  
事詩元禮退歸綸氏學校李膺本潁川人綸  
氏屬潁川膺免官歸綸氏教授常千人而集  
本誤作經氏○孫萬壽寄京邑親友詩唐彬  
不競勤按晉唐彬知孫皓將至遲留以示不  
競而隋書本傳載此詩迺作吾彥不爭勳吾  
彥本降將初無不爭功事○白居易湖底松

詩金張世祿黃憲賢牛衣寒賤貂蟬畧黃憲  
本牛醫兒衣字疑誤而集本作原憲貧詳上下文  
黃憲賢是○駱賓王釣磯應詰文素龜靈也  
被髮阿門白龍神也挂鱗且網莊子宋元君  
夢人被髮闕阿門即白龜也說苑白龍為豫  
且所網而集本以阿門作河津且網為罾網  
○蘇頲策汴王文思窮占雨沛經不測其精  
微按東觀漢記沛獻王輔善京氏易永平五  
年少雨上以易林占之繇曰蟻封穴戶大雨



將至問輔輔曰蟻穴居知雨將至是占雨也  
而唐大詔令作沾雨○皮日休秦繆公諡論  
注文許里克以汾陽之田百萬丕鄭負蔡作  
葵之田七十萬按國語注百萬百萬畝七十  
萬七十萬畝也而文粹以百萬作方百里七  
十萬作方七十里○又與人誦之曰佞之不  
佞國語作佞之見佞而文粹作佞之不佞○  
張說隴右監牧碑第賞堂邑之山林按東方  
朔傳堂邑侯尙大長公主主謂武帝臨安山

林而集粹並作京邑○又夫其處身則立無  
跂正也視無還端也聽無聲成也此語見國  
語跂作跛聲作聳而成字集粹作誠國語作  
成○禁原焚牧禁原見周禮禁原蠶而集粹  
作焚原燎牧○張九齡裴光庭碑詳施稅簡  
晉之政周禮大司馬施貢分職簡晉鄉民而  
集以施作征○梁肅獨孤及行狀惟四布然  
後廼斂惟字疑檀弓司徒旅歸四布注謂四方  
之賻布而集作待賜布及卒於常州非○此  
待賜布乃斂也



類當以文苑為正

文苑英華辨證卷之一

○禁風焚妙禁風良風飄禁風流而禁  
○禁風焚妙禁風良風飄禁風流而禁  
○禁風焚妙禁風良風飄禁風流而禁  
○禁風焚妙禁風良風飄禁風流而禁  
○禁風焚妙禁風良風飄禁風流而禁  
○禁風焚妙禁風良風飄禁風流而禁  
○禁風焚妙禁風良風飄禁風流而禁  
○禁風焚妙禁風良風飄禁風流而禁  
○禁風焚妙禁風良風飄禁風流而禁  
○禁風焚妙禁風良風飄禁風流而禁

文苑英華辨證卷之二

事誤一

事有訛誤當是正者○如驕陽賦孫武之失  
誚梁君之射烏按藝文類聚引莊子太平御  
覽引說苑並載梁君欲射白鴈行者駭之君  
怒欲射行者公孫龍止矢曰昔先公時大旱  
卜以人祠公曰求雨以為民也言未卒大雨  
今君以鴈殺人乎今莊子無此文而劉向新  
序載之以龍為襲以先公為齊景公非說苑



也據此孫武之失當作孫龍止矢烏當作鴈  
○鴻賦既隨軒於良史按後漢虞國爲日南  
太守行惠澤有雙鴻隨軒據此良史當作良  
吏○薛道衡臨渭源應詔詩激浪還天河當  
從初學記作象天河三輔黃圖渭水貫都象  
天河○李白西岳靈臺歌身騎第一龍上天  
飛當從集作騎二茅龍初學記華山門載列  
仙傳呼子先者有仙人持二茅狗來騎之廼  
龍也續添○杜甫八哀詩范雲顧其兒當從

集作范曄宋書曄謀反誅將死顧念其兒也  
○李德裕與黠戛斯書契徑路之刀舉琉璃  
之酒按前漢匈奴傳單于以徑路刀金留犁  
撓酒注徑路匈奴寶刀金契金也契刻也留  
犁飲匕也琉璃當作留犁○于仲文上隋高  
祖書虎貔十萬之衆按隋書本傳云席毗十  
萬之衆席毗尉遲迴將也虎貔當作席毗○  
韓翃爲田神玉母謝男神功葬賜錢表周顓  
之親奉子貴登僕射異勤之母不見生拜司



徒時神功為右僕射薨贈司徒與周顛為僕射母絡秀尚在則同而與馮勤為司徒母年八十則異周當作同○李商隱為李貽孫上李相公啓屢持寄字信未皆通敬禮小文頗常曹意按陳書庾持好為奇字屢持寄字當從集作庾持奇字下對敬禮廼丁庾字也嘗作小文見文選曹植書○庾信五張寺經藏碑度河餘獸移關舊村又曰言從楊僕請謝劉琨琨當作昆用後漢劉昆虎度河事○蘇

頰陝州龍興寺碑睦而奉姊郭奕之儔也姊當作姊用晉郭奕奉姊事○楊炯楊去盈誌賈氏五虎五當作三後漢賈彪兄弟三人並有高名天下稱賈氏三虎偉節最怒續添○此類覽者所宜詳也

### 事誤二

前人用事元自舛誤而文苑有襲之者○如樊晦階賦憶趙妃之嬌妬窮漢武之寵慾昭陽特起麗飾繁縟砌釵黃金階闐白玉按漢



成帝為趙昭儀居昭陽舍切皆銅沓昌黃人  
塗白玉階則非漢武也○又陳后長信獨遭  
弃捐塵駁紫薛庭鋪綠錢望金屋而魂絕對  
玉階而愁連按漢武帝陳后退處長門宮即  
非長信而成帝班婕妤共養太后長信宮作  
賦自傷曰華殿塵兮玉階落中庭萋兮綠草  
生賦中正指此事則非陳后也○又如長門  
怨詩劉阜云昭陽更漏不堪聞耿耿  
聞道昭陽宴楊衡云望望以信不來劉

唐書作漳云

云愁心和雨到昭陽王貞白云葉落長門靜  
又云昭陽歌舞伴昭陽迺趙昭儀則非陳后  
長門宮事也○梁范靜妻沈氏昭君怨詩早  
信丹青巧重賂洛陽師此指毛延壽也西京  
雜記延壽長安杜陵人則非洛陽矣○李頎  
鄭櫻桃歌官軍女騎一千匹繁花照耀漳河  
春織成花映紅綸巾紅旗掣曳鹵簿新此指  
石季龍也鄭櫻桃迺季龍所寵優僮季龍常  
以女騎一千為鹵簿皆著紫綸巾熟錦袴金



銀鏤帶五文織成鞞游於戲馬觀則非織成  
花紅綸巾矣○常袞賀日當蝕不蝕表同道  
相遇當作則聞昭子之對左傳梓慎曰分同  
道也至相過也則非昭子續添皮日休相解  
上善出於性若文王在母不憂重耳弱不好  
弄左傳夷吾弱不好弄則非重耳續添白居易  
易祭烏江十五兄文冉求斯疾論語伯牛有  
疾子曰斯人也而有斯疾也伯牛名耕則非  
冉求一庾信侯莫陳道生誌臨晉橫船既擒

趙將按韓信臨晉陳船虜魏王豹其禽趙將  
迺拔幟事在虜豹後○此類恐作者之誤

事疑

事有可疑或兩存者○如史宏冰井賦廬陵  
之瑞空存三色之名按異物志廬陵城中一  
井水二色半青半黃宋永初山今作三色○  
李庾西都賦配前秦與後趙此言京尹也文  
粹又作前王似謂前有趙張後有三王但疑  
顛錯其文耳○侯喜秋燕辭巢賦漢落葉兮



一作漢案戶分續漢禮儀志仲秋之月縣道  
皆案戶比民大戴禮漢案戶漢也案戶也者  
直戶也言正南北也一作疑是續添○劉孝  
綽上虞鄉亭觀濤詩化雞仰季智馴雉推仲  
康季智仇覽字仲康魯恭字也化雞一作化  
鶉疑是化梟仇覽傳化我鳴梟哺所生○駱  
賓王疇昔篇五丁卓犖多奇力四士英靈富  
文藝此言蜀中也左思蜀都賦江漢炳靈世  
載其英蔚若相如矚若君平王褒韡韡而秀

發揚雄含章而挺生四士指此一作四皓恐  
非蓋此篇末句又云商山四翁也○崔元翰  
請復尊號第三表白武通曰伏羲正五始按  
白虎通伏羲因夫婦正五行始定人道今諸  
本並作五始疑誤此表又見柳文亦作五始○杜牧請追  
尊號表武帝之逐北虜四海耗半高宗之伐  
鬼方三年迺克尚書班史稱德詠功按鬼方  
事見周易既濟未濟二卦今云尚書疑誤集本  
同或疑○劉彤論鹽鐵表孝武為政殿馬三  
是逸書



十萬匹後宮數千萬按貢禹傳孝武取好女數千人以填後宮今云數千萬疑非○庾信謝趙王賚犀帶啓昔沈羲將盡逢司命而還生士變行埋值仙人而更活按三國志杜畿傳注童子謂畿曰司命使我召子畿固請童子爲求代者今作沈羲未詳士變廼董奉事亦見三國志注○是儀鬻書衣判是儀無首族變於勾吳三國志是儀本姓氏孔融嘲儀氏字民無上故改爲是一本作爲首非○盧

思道爲北齊檄陳文述吳明徹呂梁之敗及司馬消難奔陳事以史考之明徹呂梁之敗在周宣政元年先一年周已滅齊後二年消難方奔陳又明年周禪隋是爲開皇元年伐陳今旣題作北齊又有我大齊語疑皆當爲隋○李嶠攀龍臺碑蓄宏圖於綠鶴之鼎綠鶴當作綠鶴離騷曰綠鶴飾玉后帝具饗后帝殷湯也伊尹綠烹鵠鳥之羹脩飾玉鼎以事湯湯以爲相鵠鶴二字通用

說見鳥獸篇 ○又



龍額武肩有合良之骨法戴鈴懷斗似高密  
之容狀額當作顏合當作含帝王世紀文王  
龍顏虎肩春秋元命苞文王四乳是謂合良  
高密乃禹字亦見世紀○王勃梓州白鶴寺  
碑鹽泉錦室家稱三燭之毫疑當作三蜀之  
豪蜀都賦家有鹽泉之井又云三蜀之豪○  
又廣州寶莊嚴寺碑王堂之居池郡但舉賢  
良池疑當作汝事見後漢王堂傳一作王商  
非○楊炯隰川令李公誌代恭王子郢容

爲後按漢代恭王子義嗣其父爲王楚元王  
子郢容爲侯今云代恭王子郢容未詳而集  
本又云楚代恭王之子郢非容爲侯尤不可  
曉○庾信周昌公夫人鄭氏誌東都言讖  
司空爲武衛之官武衛一作玄武按後漢王  
梁傳赤伏符曰王梁主衛作玄武玄武水神  
名司空水土官也○李商隱祭伏波廟文公  
孫淵之刺客淵集作弘俱非疑當作述事見  
馬援傳○又祭宣武王尙書文鄙晉室之鬻



練練集作陳俱非疑當作練葛事見王導傳  
○此類覽者所宜詳也

人名一

凡用事有人名與他本異不可輕改者○如  
皇甫湜醉賦劉靈作酒德頌按文選酒德頌  
五臣注臧榮緒晉書劉靈字伯倫顏延之五  
君詠劉靈善閉關文中子劉靈古之閉關人  
也語林天生劉靈以酒為名並作靈而唐太  
宗晉書本傳作伶故他書通用伶字○盧肇

觀雙柘枝舞賦燕趙慙妍威嬙掩嫫按戰國  
策晉文公得南威三日不朝日後代必有以  
色亡國者莊子毛嬙麗姬人之所美也或迺  
改威作嬪○裴度諸葛亮祠堂碑故州平心  
與元直神交謂亮與崔州平徐庶友善也庶  
直元而文粹以故作荆○孫述王敬從碑昔萬  
石君建陵侯皆以訥言敏行稱為長者謂石  
奮衛綰也而或以建陵侯作建慶○權德輿  
容州刺史戴叔倫誌西晉則有司農遂遂字



安丘位至大司農處士達之弟也而集以遂  
作達○此類當以文苑為正

人名二

其有訛舛當是正者○如楊諫大蜡賦嗛子  
夏之來觀夏當作貢禮記子貢觀於蜡曰一  
國之人皆若狂子曰賜非爾所知也○劉關  
如石投水賦漢祖興兮昌言納劉侯輔兮皇  
威震劉當作雷文選運命論張良遭漢祖如  
以石投水王起鄒子吹律賦扣角於斯文斯

當作師列子鄭師文及秋而叩角草木發榮  
○錢起洞庭張樂賦炎民之頌民當作氏莊  
子黃帝張樂洞庭有焱氏為之頌釋文焱本  
亦作炎○白行簡斬龍毀璧賦朱萍焉能施  
其術萍當作萍莊子朱萍漫學屠龍○陳章  
艾人賦類宋則之初來宋當作宗荆楚歲時  
記宗則五月五日採艾○陸龜蒙幽居賦採  
郵範之智囊郵疑作桓魏志曹爽傳桓範赴  
爽司馬宣王曰智囊往矣續添○周存授衣



賦趙將軍授新衣而不遣趙一作桓是晉車  
騎將軍桓沖儉素浴後妻送新衣沖令持去  
妻復送之曰衣不經新何緣得故沖笑而服  
之○王胄白馬詩昆彌還謝力昆樂府作虜  
是左傳狄虓彌所謂有力如虎者也○包何  
秋苔詩却笑無公賦臨危滑石閒無當作興  
孫興公天台賦踐莓苔之滑石○沈炯勸  
進梁元帝表楚人固執燻丹穴以求君藝文  
類聚同句梁書南史作越人是莊子越人三

世弒其君王子搜逃乎丹穴不肯出越人熏  
之以艾乘以王輿○梁湘東王薦顧協表孔  
愉表韓伯之才伯梁書作績俱非當作績晉  
書隱逸韓績傳孔愉薦之徵以安車束帛○  
虞寄諫陳寶應書將軍疊非張繡罪異盧諶  
陳書南史通鑑並作畢諶按魏志曹操為兗  
州畢諶為別駕張邈劫諶母弟妻子操謝遣  
之諶頓首無二心既出遂亡歸及呂布破諶  
生得衆為諶懼操曰夫人孝於親者豈不亦



忠於君乎以爲魯相盧諶迺晉劉琨從事段  
匹磾別駕後往投段末波仕於石氏非有先  
叛後歸之罪也○薛元超諫皇太子賤晉明  
帝之在東宮中庶子溫嶠中舍人劉放按晉  
書明帝爲太子溫嶠爲中庶子阮放爲中舍  
人劉放迺魏明帝時與孫資並用事者非晉  
人也○隋傲陳尙書江總文劉叔納譙周之  
計而獲存按蜀後主劉禪用譙周策降魏叔  
疑當作禪○張叔政棄農判秦陽之蓋一州

陽當作楊漢貨殖傳秦楊以田農而甲一州  
○蘇綰家僮視天判王霸之精才霸一作朔  
是李廣傳望氣王朔○李德裕豪俠論爰盜  
善劇孟匿季布季布按漢書當作季心○權  
德輿弘崇生策問人疑張祿詞假葛襲襲當  
從集作龔事見後漢文苑傳注○張說洛州  
張司馬集序晉則三楊藻綴此用張氏事也  
晉張載字孟陽弟協字景陽亢字季陽並有  
才藻屬綴楊當作陽○李華楊騎曹集序昔



許衛尉與徐荐穆友善此言許善心之父與  
徐陵也陵字孝穆荐當作孝續添○顧況廣  
異記序羸姬暴市六日而蘇姬一作謀是事  
見左傳○又湯之間旱以語怪旱一作華並  
非當作革見列子○權德輿送安南裴中丞  
序王彥威之教化當從集作士威彥三國志  
士燮字威彥為交阯太守○楊炯恒州刺史  
王公碑北臨洛泃尙想元亮之墳元亮當從  
集作元凱元凱杜預字也其遺令兆域南觀

伊洛○張說鄭國夫人碑周官禮儀資稟宣  
父之學父當從集作文晉韋逞母宋氏號宣  
文君得周官音義○權德輿崔述誌辱安平  
戴公之知於公獲南宮之眷戴公當從集作  
戴侯文選潘岳懷舊賦余獲見於父友東武  
戴侯楊君始見知名遂申之以昏姻謂東武  
伯楊肇以女妻岳戴其諡也述仲兄安平公  
實德輿之妻父故有戴侯南宮之語○此類  
覽者所宜詳也○其有兩城可疑者○如



十二年城成周晉女叔寬曰天之所壞不可  
支也晉女叔寬集作篇彪後蓋叔寬見左傳  
彪後見國語其事詞並同○羅隱辭令狐相  
公啓上方於趙臺遭逢按後漢趙岐字臺卿  
爲曹操孔融舉辟或逢此人又疑  
作壹亦有羊陟表逢稱薦事也

文苑英華辨證卷之二

文苑英華辨證卷之三

人名三

人名有與史傳集本異不可輕改者○如張  
說裴行儉碑自冀州刺史徽至公十二代中  
軍將軍雙虎至公六葉按唐宰相世系表徽  
生黎黎生苞苞生軫軫生嗣嗣生天明天明  
生雙虎雙虎生惠秀惠秀生嵩壽嵩壽生伯  
鳳伯鳳生定高定高生仁基仁基生行儉乃  
十二代自雙虎至行儉乃六葉集本脫至公



十二代中軍將軍雙虎十一字止云自冀州  
刺史徽至公六葉非也○常袞盧正已誌公  
字子寬本諱元裕以聲協上之尊稱優詔改  
錫正已則元裕正已本一人也而世系表乃  
以爲兄弟二人○李華慶王府司馬徐府君  
碑君諱堅字某名與宗人同故以字稱此徐  
有功之子也而世系表與本傳並作倫字堅  
○張說節愍太子妃楊氏誌高祖士達天授  
中以孝明高后之父追封鄭王孝明高后謂

武后之妣楊氏也而集以高后爲高氏○韓  
愈董晉行狀四子全道溪全素澥集本或作  
全道全溪全素全澥按世系表及愈所作董  
溪墓誌溪澥並無全字蓋全道全素皆上所  
賜名也○此類當以文苑爲正

#### 人名四

其有訛舛質於史傳當是正者○如新羅王  
德眞織錦作太平詩新羅王德眞即新羅王  
金眞平女  
也平死無子女乃嗣立爲王 大破百濟之衆其弟子法敏



以聞按唐書本傳王真平死無子立女善德  
為王善德死妹真德襲王攻破百濟遣弟伊  
贊子春秋之子法敏入朝織錦為頌以獻據  
此則德真當作真德法敏乃真德弟伊贊子  
春秋之子也○李嶠賀破契丹表逆賊孫萬  
榮按唐書聖證元年改契丹首領李盡忠為  
盡滅孫萬榮為萬斬陳子昂集中亦作萬斬  
今契丹已破賀表猶稱萬榮非續添○令狐  
楚為鄭僭謝河東節度使表本使李詵奄從

薨逝詵一作悅按舊唐書李說貞元十六年  
十月卒以鄭僭代之詵當作說又見韓文鄭僭碑○  
侯莫陳悅檄陳蕭摩訶文按悅以西魏永熙  
三年卒後隋伐陳乃以侯莫陳穎為行軍總  
管悅疑當作穎○盧思道北齊興亡論李昌  
地迺密親李昌按北史當作孝昭○沈約授  
蕭重休左僕射詔征虜將軍吳興太守建安  
縣開國子蕭重休重休一作惠休是南史惠  
休封建安縣子徙吳興太守徵為右僕射詔詞



作左僕射 ○權德輿自挹誌其先殷王戊丁之友  
集本同按世系表權氏武丁之裔孫戊丁之  
友疑當作武丁之支續添 ○此類覽者所宜  
詳也

人名五

其有與史集異同當並存者 ○如盧思道北  
齊興亡論僕射高正德北史本傳作高德政  
通鑑考異北史作德正 ○朱敬則北齊高祖  
今從北齊書作德政 論趙魏之豪有高虔邕李元誠盧文緯本傳

作乾邕元忠

以諱作誠

文偉 ○蓋代之傑有薛狐

延本傳作孤延 ○庾信拓跋儉碑儉字慶明

周書北史並云儉本名慶明碑云以公識度

嚴明志節清儉遂改公名儉字慶明則碑為

是續添

○父馘北史作馘 ○又宇文顯誌二

史並作顯和 ○司馬裔誌祖龍北史作金龍

○柳遐誌周書作霞 ○崔湜元希聲碑曾大

父弘大父恭皇考孝節世系表

下云表省文

以弘

為琳之兄琳生義恭義恭生孝節 ○張說馮



君衡誌智戮智玳唐書作智戴智或○蘇頌  
 韋抗碑銀青光祿大夫太子詹事贈秦州都  
 督諡曰貞諱璿表作琨○張九齡裴光庭碑  
 大父仁諡忠憲大王父定仁表作仁基諡忠  
 定作定高時明皇諱隆基故避基字而高字  
 亦削去未詳父行儉諡獻公即獻公○又李  
 仁瞻誌趙郡太守諱鳳昇表作子雲字鳳昇  
 ○李邕劉知柔碑祖朝散大夫陳畱縣長立  
 遂表作隋畱縣長務本○孫逖杜諮議義康

碑北齊膠州刺史保之孫隋鴈門郡守伽之  
 子表以保作伽伽作保○四子次日惟志新  
 舊唐書並作承志○李迥秀裴希惇誌會祖  
 靜慮表作澄字靜慮○父之隱表以希惇為  
 之爽之子之隱乃之爽之兄○蕭昕張九臯  
 碑子十一人曰樾權柷捍表作捷擢抗捍○  
 韋述韋湊碑父諱立福表作福字立福舊史  
 止作立○穆員李抱真誌會祖興表作永達  
 ○祖恪表作懷恪○蕭功曹誌會祖憬表作



文憬又祖元祖表作元禮○常袞盧正已誌  
父貞慶表作貞松○鄭餘慶賈耽碑考琰之  
表作元琰○牛僧孺崔羣家廟碑懷州公諱  
朝字守忠表作懿忠○獨孤及韋氏誌渭南  
縣主簿懿表同句集以懿作懿○著作郎京  
偉儻之妹集作著作郎京兆從丞相此五字誤疊寫  
次行韋儻之妹表作著作郎偉睦州刺史贊  
下文又殤子韋八誌秘書省著作郎  
京兆偉之甥偉集作韋儻亦誤○逍遙公生  
民部尚書建安公世恭表作瓘字世恭○建

安生上大將軍宋州刺史仁表作仁祚仁祚  
乃仁基之子仁基乃世恭之弟○權德輿王  
定碑隋司金邢孟洛相等七州刺史明進明  
進生同州河西縣令喜集作隋司金上士洛  
相等七州刺史明明生進進生同州河西縣  
令喜表作周司金上士明遠生隋州都七職  
主簿壽壽生河西令詰○王光謙碑隋揚州  
戶曹參軍東表作揚州司馬孝京○韓愈烏  
公先廟碑贈尚書諱承治字某新唐書作承



此字重潤有傳○又如桂州破西原賊露布  
睦州武陽珠蘭金經黃橙等一百餘洞大賊  
帥偽號中越王廖殿偽號桂南王莫淳偽號  
拓南王相友偽號南越王莫尋偽號象郡王  
梁秦偽號鎮南王羅成偽號戎成王莫濤偽  
號南海王羅品等大賊帥武承裴敬簡二人  
面縛請罪按唐書西原蠻傳推武承裴韋敬  
簡為主僭號中越王廖殿爲桂南王莫淳爲  
拓南王相支爲南越王梁奉爲鎮南王羅誠

爲戎城王莫濤爲南海王偽號旣顛錯而名  
亦閒有異者○此類並注於本文之下

官爵一

凡官職封爵有與史集異不可輕改者○如  
駱賓王寄東臺詳正學士詩按唐百官志儀  
鳳中置詳正學士而集以正作政○劉禹錫  
贈澧州高大夫司馬霞寓詩按霞寓本傳拜  
豐州刺史後貶歸州刺史不載澧州司馬今  
詩云一誤雲中級南游湘水清則似澧州也



○蘇頲授尹思貞御史大夫制將作大匠按唐制隋煬帝改匠為監唐初復舊天寶中再為監今思貞改命在開元初猶為大匠或迺以匠為監○張說楊執一碑司徒觀王雄之曾孫司徒集作司空按隋書觀王傳贈司徒○張九齡李仁瞻誌五代祖始豐懿公璨始豐集作始封按世系表亦作始豐○權德輿王崇術碑一命臨武校尉蘭州金城府別將金城府集作金城縣按唐地理志蘭州有金

城府又有五泉縣咸亨二年改名金城天寶元年復舊又有廣武縣乾元二年更名金城今云別將則府為是○蘇頲命呂休璟等北伐制神山府折衝按唐志神山府在晉州唐大詔令迺作神仙○莫門積石等軍建康軍使唐志莫門軍在洮州建康軍在甘州唐會要乃作英門建庫○此類當以文苑為正

官爵二

其有訛舛當是正者○如魏暮拜相制判戶



部事一作兵部侍郎按新史舊本傳遷御史  
中丞兼戶部侍郎舊史云判戶部事而制詞  
亦云貳于卿秩掌我地征末云依前判戶部  
事並無兵部侍郎當作戶部侍郎判戶部事  
○常袞謝妻封弘農郡夫人表其後雖有石  
窳延卿之錫亦無夫人之號唐類表無延卿  
二字按陳畱風俗傳封丘者高祖與項氏戰  
厄於延鄉有翟母者免其難故以延鄉為封  
丘縣以封翟母則延卿當作延鄉○鄆國公

韋孝寬檄陳文行軍總管柱國公士彥柱國  
公按梁士彥傳當作上柱國鄆國公○王志  
愔應正論任延為武建太守按後漢本傳武  
建當從舊史作武威○庾信齊王憲碑都督  
益寧壽等二十四州益寧壽當從周書本傳  
作益寧巴瀘○又贈太子少保豆盧公碑此  
豆盧永恩也當從本傳作贈少保碑中亦云  
贈少保  
○李嶠攀龍臺碑進封膺國公膺一作晉此  
武士護也當從本傳作應國公○次兄士逸



封六安郡公當從二唐書作安陸縣公唐志  
安州安陸郡安陸縣無六安郡續添○張說

馮昭泰碑起家左奉格當從集作奉裕唐志  
唐置兵曹改司使左右復曰千牛備身龍朔  
二年改千牛備身曰奉裕○楊炯任晃誌淮  
陽從事術數知名此用任氏事也當從集作  
益州從事後漢方術傳注任文公巴郡人爲  
州從事以占術馳名○白居易元稹誌六代  
祖岩封武平公集作昌平當從文粹作平昌

見隋書本傳及唐世系表○此類覽者所宜  
詳也

官爵三

其或有疑當兩存者○如崔湜赴襄陽詩題  
云授江州司馬尋拜襄州刺史檢湜傳同今  
詩迺云始佐廬陵郡尋牧襄陽城○李華衢  
州刺史廳壁記武威公李僕射傑武威一作  
武陵按二唐書傑傳並云武威縣子○常袞  
謝贈官表臣亡祖故慶王文學楚珪世系表



作雍王文學○李邕謝慰諭表貶臣爲常州  
司戶本傳作富州司戶○洛州司戶崔日知  
日知傳作洛州司馬○沈約封左興盛等制  
輔國將軍參軍事左興盛直閤將軍劉山陽  
齊書作前軍司馬左興盛輔國將軍劉山陽  
○又封李居壬等制潮陽縣開國男胡松齊  
書作沙陽縣○又封授臨川等五王詔北中  
郎將南徐州刺史秀安北將軍偉安西將軍  
儋梁書作輔國將軍秀冠軍將軍偉平西將

軍儋○庾信周大將軍崔說碑祖辨中軍將  
軍魏書北史並作安南將軍○父楷鎮北將  
軍司空魏周二書及北史並作驃騎大將軍  
開府儀同三司○又介縣永即段碑斬西城  
中主北史本傳作西中郎將○蒙賞平昌縣  
開國子傳作昌平縣○豆盧公碑改封龍支  
侯龍支袍罕郡屬縣也周書作龍來○蕭太  
志即蕭泰遊周轉太子中書舍人周書作太  
子中舍人南史作中書舍人疑並歷○楊炯



宇文珽碑曾祖顯和後魏將軍集作冠軍北  
史本傳作冠軍將軍碑與集疑省文○崔湜元希聲  
碑鄔國公武攸望唐書攸望封葉國公攸宐  
封息國公○穆員李抱真誌高祖修仁啓封  
申國公世系表作鄔國公○路巖渾侃碑迴  
貴拜豹韜大將軍元慶右玉鈐將軍靈丘伯  
太壽太子僕表作迴貴豹韜大將軍靈丘伯  
元慶鎮國大將軍太壽太僕丞○楊炯崔獻  
行狀祖弘壽隋獲嘉縣開國侯父萬善皇朝

左監門將軍持節隆州諸軍事守隆州刺史  
表作弘壽左監門將軍獲嘉男萬善閬州刺  
史○顧況韓滉行狀父休太子少師贈司空  
權德輿韓洞行狀父休太子少保贈司徒二  
唐書作太子少師贈太子太師○又如楊炯  
後周青州刺史齊貞公宇文彪碑內云華州  
刺史封青州齊國公而題云青州刺史○柳  
冕青帥乞朝覲表內有瘡癘之語唐書冕傳  
為福建觀察使而題云青帥續添○凡此者



文苑英華辨證卷之三

皆未詳也

文苑英華辨證卷之三

文苑英華辨證卷之四

郡縣一

地名附

凡郡縣名及地名有不可以他本而輕改者  
 ○如楊炯天賦太平太蒙爾雅東至日所  
 出為太平西至日所入為太蒙即蒙也太平之  
 人仁太蒙之人信而文粹以太蒙作太象又  
吳誌太蒙之信太平○吳融沃焦山賦歸塘  
之仁集亦作太象之積或疑當從列子渤海之東有大壑焉實

文苑英華辨證卷四

一 死不足齋敬書



惟無底之谷名曰歸墟然初學記所引列子  
迺作歸塘○唐太宗望中南山詩或疑此詩  
編在終南山門中當作終然詩秦風終南注  
終南山即周之中南山也潘岳關中記云終  
南一名中南言在天之中居都之南故曰中  
南○李商隱為濮陽公陳情表貪泉澗水按  
漢武帝紀下澗水澗水出澗陽縣今屬英州  
改作真陽而集本以澗作須○庾信宇文常  
碑羅州刺史又鄭常志即宇文常也遷州刻

史按隋地理志西魏時於竹山縣置羅州字  
文後周於房陵郡置遷州隋并號房州碑誌  
蓋互言也○又如隨隋二字通鑑初書楊忠  
為隨公楊堅為隨王文帝方省文為隋○牂  
牁郡漢書雖作牂柯而後漢隋書文選並作  
牂牁皆船柁也集韻通用唐人多用此二字  
亦或從牛○此類當以文苑為正

文苑英華卷四

其有訛舛當是正者○如土風賦堯作平陽



一作成陽詳此賦序云睢陽古之大郡賦內  
又云豈若睢渙城臨氏房昔者舜漁雷澤堯  
作成陽天乙都亳沛公潛梁皆言宋地也前  
漢地理志昔堯作游成陽舜漁雷澤成陽在  
定陶有堯家廼宋地堯都平陽在河東郡爲  
晉地據此當作成陽○楊炯庭菊賦韮鄉貴  
族韮或作邕詳此賦序云庶子裴公左庶子  
薛公賦內又云韮鄉貴族薛縣名家乃指裴  
與薛也韮當作韮步回反河東聞喜縣有韮鄉

說作邕耳○張說諫則天幸三陽宮表郿城  
編小集本同舊史作告成按唐志河南府陽  
城縣萬歲登封元年將封嵩山改曰告成神  
龍元年復故名二年復爲告成登封縣本嵩  
陽貞觀中省入陽城有三陽宮據此當作告  
成○柳宗元唐貞符解滌訟于北集粹唐書  
並作濮鈗按爾雅東至於泰遠西至於邠國  
南至於濮鈗北至於祝栗據此則當作濮鈗  
○庾信周崔說碑天和中三州北史作能和



忠三州當從周書作熊和中三州按隋志後  
周時宜陽曰熊州陸渾曰和州新安置中州  
皆在河南郡○又贈鄜延丹綏恒五州刺史  
北史作鄜恐是延等五州當從周書作敷延  
丹綏長五州按隋志上郡西魏為敷州大業  
二年改為鄜城郡內郡縣舊置敷州大業初  
州廢弘化郡歸德縣西魏置恒州後周廢北  
地郡三水縣西魏置桓州尋廢朔方郡長澤  
縣後魏置長州大業三年州廢綏州在雕陰

郡延州在延安郡丹州在延安郡之義川縣  
並西魏置至隋或改或廢則是後周末始有  
鄜恒二州也○周兗州刺史宇文常碑都督  
南兗州諸軍事南兗州刺史題止云兗州當  
作南兗州在譙郡兗州廼魯郡也○鄭常誌  
都督東徐州諸軍事徐州刺史徐州當作東  
徐州在下邳郡徐州乃彭城郡也○吳明徹  
誌兗州人兗州當作南兗州在江都郡又非譙郡  
之南兗州梁置南兗州後齊改為東廣州陳復曰



南充有六合縣舊置秦郡南史明徹秦郡人  
也即此郡○鄭薰仇士良碑士良洪農興寧人  
也按唐書士良傳循州興寧人循州迺海豐  
郡洪農當作海豐○此類覽者所宜詳也

郡縣三

其或有疑當兩存者○如鄭璘授李繼密山  
南西道節度使制既云華陽奧壤黑水上游  
提封遠振於三川列郡豈惟於千里又云可  
權知河陽節度題云山南制迺河陽其詞又

有華陽黑水三川之句河陽在孟州漢川洋  
川通川在山南西道或以爲三川皆所未詳  
○賢良第五道策問化被柱州創基刑馬刑  
馬一作熊耳吳師道對策云天皇首出瞰柱  
州而宅土地皇革命俯刑馬以開都俯刑馬  
一作符熊耳按遁甲開山圖天皇在柱州崑  
崙山下地皇興於熊耳山又榮氏曰人皇生  
於刑馬山對策既指地皇故並存之○李華  
衢州刺史壁記後州分置衢州領六縣近歲



析玉山全邑洎須江南鄉益信州按唐志衢  
州六縣析玉山常山兩縣置信州止四縣今  
但云玉山疑脫常山二字又疑須江南鄉或  
爲常山地當考續添○白居易溧水令白府  
君誌歷泗州虹縣令泗集作宿按唐志元和  
四年始析泗州之虹置宿州大和三年廢七  
年復置時白府君卒於大和八年未審何時  
歷虹令也續添○楊炯王義童碑縣州萬安  
縣令縣一作錦按唐志錦州常豐縣縣州羅

江縣並初名萬安至天寶元年並改今名○  
蘇頲褚無量碑十一代祖盛後漢海鹽長子  
孫因居遂爲吳郡海鹽人二唐書作杭州鹽  
官人碑又云五代祖陽嗣錢塘侯又云歸祠  
於錢塘臨平山之舊域則似爲杭人也碑云  
海鹽豈本其舊而言之乎○此類並注或存  
一作

年月一

凡年月與他本異不可輕改者○如歐陽詹



通鑑賦癸亥之歲作幸于西詳上文云承八  
聖之重光則德宗也德宗建中四年歲在癸  
亥有奉天之幸而一本迺作癸丑癸丑為代  
宗大歷八年無西幸事且非承八聖也○張  
仁亶賀中宗登極表今月一日牒至皇帝去  
月二十五日光臨寶極按二唐書神龍元年  
正月丙午即二十中宗即位時仁亶在洛州  
所上表作去月為是而唐類表迺作五月失  
之遠矣○劉子玄昭成皇太后冊文開元四

年秋八月甲辰朔考通鑑目錄八月為是  
唐大詔令迺作七月○權德輿奏孝子事  
儒狀貞元二十年畱守韋夏卿奏聞臣至  
都今又十年考唐書德輿以元和八年事  
後為東都畱守自貞元二十年事元和八年  
恰十年而集本乃作貞元二年○呂才五行  
祿命葬書論春秋魯桓公六年九月又云建  
申之月周以子為建正九月即七月建甲也  
而二唐書改作七月蓋從夏正則非春秋本



文矣○元稹白氏長慶集敘長慶四年樂天  
手自排纘成五十卷子以爲皇帝明年當改  
元長慶訖於是集作明年秋當改元按長慶  
四年穆宗崩敬宗卽位明年改元卽正月也  
按制詔內寶歷赦書長慶五年正月七日改  
寶歷元年安得謂之秋乎○此類當以文苑  
爲正

年月二

其或訛舛當是正者○如呂溫由鹿賦貞元

丁卯歲集作己卯按丁卯乃貞元三年己卯

則貞元十五年溫以貞元末擢第則己卯爲

是○新羅王德眞本傳作眞德織錦作太平詩永

徽五年德眞大破百濟之衆按本傳武德四

年新羅王眞平遣使者入朝貞觀五年死無

子立女善德爲王二十一年善德死妹眞德

立永徽元年攻百濟破之織錦爲頌以獻五

年死據此則永徽五年當作元年○沈炯勸

進梁元帝表衆軍以今月戊午總集建康攷



其月日當從梁書作戊子○陳貞節明堂議  
光武中興元年立於國城之南攷漢本紀當  
從唐會要作中元元年○張九齡東封赦書  
唐元口六年六月二十六日立功官人按唐  
書唐隆元年六月二十日玄宗定內亂睿宗  
改元景雲今避玄宗諱隆云唐元是矣復云  
六年六月則非○舒元輿御史臺新造中書  
院記謹按高祖大皇帝作大明宮將二百年  
矣當從文粹作高宗天皇大帝按會要高宗

龍朔二年修大明宮改名蓬萊是年壬戌至  
太和四年庚戌元輿作記時已二百二十九  
年若作高祖則年代愈遠矣○崔融則天哀  
冊文神龍元年歲次乙巳十二月己巳朔二  
十六日甲午文粹作十一月二日會要作十  
二月二十六日大詔令作十一月己巳朔二  
十六日甲午二唐書通鑑並作十一月壬寅  
按通鑑目錄是年十一月丁丑朔壬寅卽二  
十六日則諸本誤矣○常袞貞懿皇后哀冊



文大歷十年歲次辛卯十月辛酉朔七日丁卯貴妃獨孤氏薨十三年六月十七日癸酉冊命以其月二十五日丁酉遷坐于莊陵七日丁卯舊史本傳及文粹並作六日景寅又云十三年十月癸酉其月二十五日丁酉以月日攷之十月癸酉爲是大詔令作六月十七日癸酉又云其年十月癸酉朔則失之遠矣○獨孤及獨孤公靈表至德二年歲次癸酉又云明年歲在甲戌集本並同攷通鑑目

錄當作歲次丁酉明年歲在戊戌○陳子昂陳致誌是歲龍集癸巳有周天授三年集作二年按唐書天授三年四月改元長壽是歲壬辰長壽二年迺是癸巳則癸巳非天授二年三年○張說爲人祭弟文景龍二年歲次庚戌正月癸丑朔五日丁巳集作景龍三年按通鑑目錄景龍四年歲在庚戌七月改元景雲則庚戌非景龍二年三年○又庚戌年正月壬子朔亦非癸丑也○白居易祭崔常



文苑英華辨證卷之四

侍文太和九年歲次乙卯二月景子朔七日  
壬申集作丙午朔七日壬子按通鑑目錄當  
作景子朔七日壬午○杜牧黃州祭百神文  
月維孟夏日維辛巳集本同詳上文云四月  
大赦六月甲子朔十八日辛巳准赦得祭百  
神則孟夏當作季夏續添○溫彥博突厥議  
貞觀十三年頡利初敗來降者衆當從唐書  
通鑑貞觀政要作貞觀四年○此類覽者所  
宐詳也又如李邕泗州普光王寺碑僧伽和  
尚景龍四年三月二日端坐棄代景

德傳燈錄作景龍三年三月三日○顧況廣  
陵大雲寺碑周紀昭王二十四年甲寅聖人  
生於西方穆王三十三年壬申聖人滅於西  
方傳燈錄作穆王五十二年壬申以張氏經  
世紀年攷之則甲寅壬  
申並作壬子未審孰是

文苑英華辨證卷之四

文苑英華辨證卷之四

十一知不足齋叢書



文苑英華辨證卷之五

文苑英華辨證卷之五  
其有他本元誤文苑因而襲之者○如杜佑  
省官議晉太元六年省七百餘員按晉武帝  
以乙酉歲受魏禪年號太始凡十年至乙未  
歲改元咸寧又至庚子改元太康元年始滅  
吳而荀勗傳所載議省州半吏在咸寧之後  
通鑑亦書於咸寧之五年今通典作晉太元  
六年且有吳國尚在之語所謂太元廼東晉

文苑英華辨證卷之五

年月三

其有他本元誤文苑因而襲之者○如杜佑  
省官議晉太元六年省七百餘員按晉武帝  
以乙酉歲受魏禪年號太始凡十年至乙未  
歲改元咸寧又至庚子改元太康元年始滅  
吳而荀勗傳所載議省州半吏在咸寧之後  
通鑑亦書於咸寧之五年今通典作晉太元  
六年且有吳國尚在之語所謂太元廼東晉

文苑英華辨證卷之五

一和不足齋叢書



孝武年號非晉初之武帝佑不應爾疑雕印  
時誤指太始為太元且又不及咸寧而新唐  
書作佑傳本傳亦襲其誤耳○鄭薰移顏魯  
公詩記魯公由刑部尚書貶夷陵郡別駕大  
歷六年又以前秩轉廬陵郡道出宣州之溧  
水縣經古烈士左伯桃墓下作詩一首泊大  
中丁丑歲八十七年矣按魯公以永泰二年  
丙午二月貶峽州別駕旬餘改吉州司馬六  
月次江州之廬山有東西林題名必以秋至

吉是年十一月改元大歷故次年丁未十月  
公遊青原寺題名便稱大歷二年又明年戊  
申五月移撫州刺史己酉庚戌皆在官六年  
辛亥閏三月代到而四月書麻姑壇記猶以  
撫州繫銜今於文集及石刻攷之是歲八月  
次上元縣迺自撫歸京時也上元與溧水實  
為鄰邑今皆隸昇州當時溧水則隸宣城公  
題詩烈士墓在六年或是此時與記合然謂  
公由刑部尚書貶夷陵大歷六年又以前秩



轉廬陵郡道出溧水薰唐人不應謬誤如此

年月四

其有與史全異所當考者○如劉洎論太子

初立請尊賢學表

一作請太子尊賢重道書

竊以良娣之

選遍於中國仰惟聖旨本求內助防微慎遠之慮固非羣下所測暨乎徵簡人物則與聘納相違監撫二周末延一士愚謂內既如彼外亦宐然者恐招物議將謂陛下重內而輕外也此段貞觀政要唐會要新舊唐書通鑑

並無唯文苑有之會要云武德九年立中山

王承乾為太子貞觀十三年黃門侍郎劉洎

上疏

云云

上遂勅洎令與岑文本馬周遞日

往東宮與太子談論政要云貞觀十八年大

帝初立為皇太子尚未尊賢重道太宗又嘗

令太子居寢殿之側絕不往東宮散騎常侍

劉洎上書

云云

太宗迺令洎與岑文本馬周

遞日往東宮與太子談論按太子承乾以貞

觀十七年廢遂立晉王為太子二唐書通鑑



皆載洎書於立晉王為太子之後今云監撫  
二周則與政要所書貞觀十八年相近而會  
要所載武德九年及至貞觀十三年則相遠  
矣若以貞觀九年高祖崩太子監國至十三年亦與二周相遠又洎書云  
古之太子問安而退異宮而處今太子一侍  
天闈動移旬朔此以諫太子居寢殿之側也  
新史高宗紀云太宗嘗命太子遊觀習射太  
子辭以非所好願得奉至尊居膝下太宗大  
喜迺營寢殿側為別院使太子居之則與政

要合會要以為承乾恐非○于邵為楊炎請  
冊皇太子第二表高祖義寧二年五月即位  
六月立建成為皇太子太宗武德九年八月  
即位十月立中山王為皇太子高宗貞觀二  
十三年六月即位七月立陳王為皇太子按  
二唐書及會要高宗永徽三年七月立陳王  
忠為皇太子非貞觀二十三年也然詳此表  
上下文意皆謂祖宗即位之年便立太子故  
云六月即位七月立皇太子于邵為楊炎作



表去高宗未遠不應與唐書會要牴牾如此

名氏一

凡撰人名氏或有以甲爲乙當以文苑爲正者○如杜誦哭長孫侍御詩今載杜甫集中按中興閒氣集又立集唐宋類詩皆云杜誦高仲武當唐中興肅宗時編閒氣集載誦詩止此一首又云杜君詩平調不失如流水生涯盡浮雲世事空得生人始終之理故編之必不誤近卞園注杜詩亦載此篇雖云或以

爲杜誦作然不明辨也○林逢請聽政表首七第三表載柳宗元集中作第二表晏元獻公云柳集第二表據文苑廼林逢第三表而柳集又自別有第二表第四表亦載柳集作第三表詳表文云兩河之寇盜雖除柳集作百難除非百姓之瘡痍未合又云成先帝之大功繼中興之盛業乃穆宗敬宗時事宗元當憲宗元和十四年已卒此二表柳集誤收何疑○李吉甫郴州刺史謝上表亦載柳集以郴作柳按



新史吉甫傳改柳移饒舊史乃以柳作柳是  
致柳集誤收况宗元自有柳州謝表其題作  
謝除云奉三月十三日制六月二十七日上  
訖今此表題作謝上又云今月二日上訖攷  
其月日文理皆非宗元事其爲吉甫何疑○  
羅衮後二銘其一櫛銘人有髮旦旦思理有  
心焉有身焉胡不如是文粹以此爲盧仝作  
云人之有髮兮且且思理有身兮有心兮胡  
不如是攷玉川集梳銘云有髮兮朝朝思理

有身兮胡不如是詞雖小異然爲櫛銘一也  
今詳文苑所載衮二銘枕銘杖銘并序復載  
後二銘櫛銘門銘并序其序云前惟王者之  
義無所不正或得賢以反國旣作枕杖二銘  
以風復念時人歉於自修卒違善及禍或侈  
滿不能長嗣因亦銘諸櫛銘諸明以勸以序  
觀之則四銘皆衮所作甚明文粹旣載衮前  
二銘廼以盧仝門銘列於衮所作枕杖二銘  
之前又以仝櫛銘列於枕杖二銘之後已自



可疑或者玉川亦有此作其詞偶同乎近世  
眉山成午編唐三百家名賢文粹亦與姚鉉  
同殆未見文苑故邪

名氏二

其有舛誤當是正者○如梁武帝白紵歌二  
首其一朱絲玉筯羅象筵飛管促節舞少年  
短歌流目未肯前含笑一轉私自憐其二朱  
光灼爍照佳人含情送意遙相親嫣然宛轉  
亂心神非子之故欲誰因二篇文苑共作一

首而郭氏

茂情

樂府析而為二其二題作沈約

夏白紵歌又自別有武帝一首纖腰嫋嫋不  
任衣嬌怨獨立特為誰赴曲君前未忍歸上  
聲急調中心飛○唐太宗遼東山夜臨秋詩  
秋風何凜冽白露為朝霜柔條朝夕勁綠葉  
日夜黃明月出雲崖皎皎流素光披衣臨前  
庭嗷嗷晨鴈翔按文選及初學記並作晉左  
思雜詩而初學記自別有太宗遼東山夜臨  
秋詩煙生遙岸隱月落半崖陰連山驚鳥亂



隔岫斷猿吟○蘇味道正月十五夜詩二首  
其一火樹銀花合星橋鐵鎖開暗塵隨馬去  
明月逐人來遊妓皆穠李行歌盡落梅金吾  
不惜夜玉漏莫相催其二玉漏銅壺且莫催  
鐵關金鎖徹明開誰家見月能閒坐何處聞  
燈不看來校藝文類聚初學記歲時雜詠並  
以第二篇爲崔液夜遊詩以上三詩類聚初  
學記樂府所載與前詩相聯恐當時誤編耳  
○高適行路難二首其一君不見門前柳榮

耀暫時蕭索久君不見路上花狂風吹去落  
誰家誰家思婦見之嘆蓬首不梳心歷亂盛  
年夫婿長別離歲暮相逢色凋換其二君不  
見富家翁舊時貧賤誰比數一朝金多結豪  
貴百事勝人健如虎子孫成長滿眼前妻能  
管絃妾能舞自矜一身或如此卻笑傍人獨  
愁苦東鄰少年安所如席門窮巷出無車有  
才不肯學于謁何用年年空讀書郭氏樂府  
以前篇爲賀蘭進明作以後篇爲適第一篇



而適自別有第二篇長安少年不少錢能騎  
駿馬鳴金鞭五侯相逢大道邊美人絃管爭  
畱連千金如斗不敢惜片言如玉莫棄捐安  
知顛顛讀書者暮宿靈臺私自憐適集與樂  
府同則前篇爲進明作明矣○劉長卿宥子  
怨詩垂柳覆金堤藤蕪葉正齊水溢芙蓉沼  
花飛桃李蹊採桑秦氏女織錦竇家妻關山  
別宥子風月守空閨恒斂千金笑長垂雙玉  
啼盤龍隨鏡隱彩鳳逐帷低飛魂同夜鵲倦

寢憶晨雞暗牖懸蛛網空梁落燕泥前年過  
代北今歲往遼西一去無消息那能惜馬蹄  
此篇長卿集不載而郭氏樂府及洪氏容齋  
續筆並以爲薛道衡昔昔鹽按隋書通鑑隋  
煬帝誅道衡曰更能作空梁落燕泥否趙嘏  
有廣道衡詩二十首每一句作一篇卽用前  
詩句也文苑殆因韋縠編唐才調集作劉長  
卿而誤郭洪氏云立怪錄載蘧蔭三娘工唱  
阿鵲鹽又有突厥鹽黃帝鹽白鵲鹽神雀鹽



陳勒鹽滿座鹽歸國鹽唐詩媚賴吳娘唱是  
鹽更奏新聲刮骨鹽歌詩謂之鹽者如吟行  
曲引之類今南嶽廟樂曲有黃帝鹽而俗傳  
以為黃帝炎長沙志從而書之蓋不考也續  
○韋元甫木蘭歌按劉氏次郭氏樂府並云  
古詞無姓名郭氏又曰古今樂錄云木蘭不  
知名浙江西道觀察使兼御史中丞韋元甫  
續附入則非元甫作也○司空圖馮燕歌按  
麗情集乃沈亞之作其歌云為感詞人沈下

賢長歌更與分明說下賢亞之字也嘗作馮  
燕傳併作此歌而司空圖集無之則非圖作  
也○賈島卻赴南巴留別蘇臺知己詩載劉  
長卿集中長卿嘗貶南巴尉而島集無之則  
非島作也○又如為文武百官請復尊號六  
表載柳宗元集中而唐類表作崔元翰文苑  
總目作類表而本卷迺作常衮按唐徑宗興  
元元年幸奉天削去徽號貞元五年六年百  
官請復舊卽此六表是也舊史載貞元五年  
六年百官請復徽



號正指 是時崔元翰爲禮部員外郎歷知制  
此事 唐書稱其詔令溫雅則類表云元翰作是  
誥唐書稱其詔令溫雅則類表云元翰作是  
矣况又總目明言取之類表乎本卷乃誤作  
常袞袞於建中初卒至是已十年矣又柳文  
收此表或入正集或入外集按宗元年譜貞  
元五年方十七歲時其父以事忤宰相竇參被貶八年始貢  
京師其誤可知○賀赦表六首類表以爲李  
吉甫作而文苑以爲李邕按邕天寶初卒而  
此六表迺在代宗徽宗憲宗時况文苑於五

百五十九卷有重出一表題云李吉甫子  
第二表末云謹遣當州軍事衙前虞候王國  
清奉表陳賀以聞正與吉甫郴州謝上表末  
語同則非邕作也並續添○中書門下賀赦  
表類表以爲令狐楚作而文苑以爲獨孤及  
按此表載憲宗尊號乃元和中也及以代宗  
大歷十二年卒決非及所作明矣及集無此○  
朝覲表類表以爲柳冕作而文苑以爲李德  
按唐書柳冕傳亦載此表決非俛所作也○



讓吏部侍郎表見唐書邵悅本傳而文苑作張說亦非也○奏邕管黃家賊事宐狀載柳宗元集云代裴中丞作按元和十一年裴行立為桂帥請發兵誅黃少卿時宗元在柳州代裴中丞論黃賊事表狀牒凡六篇內一首即此狀也文苑迺以為合狐楚作楚時為中書舍人恐非○石橋銘二首並載張說集乃立宗同玉真公主過大哥山池作而說奉文苑迺並以為張說作首篇當作立宗次

當云張說奉和○顧況棄婦詞古來有棄婦棄婦有歸處高適見人臂蒼鷹詩寒冬十二月蒼鷹八九毛今並載李白集棄婦詞此顧又詳蒼鷹題作觀放白鷹恐非文苑止作詠鷹續添

文苑英華辨證卷之五



文苑英華辨證卷之六

名氏三

其有可疑及當兩存者○如暢當軍中醉飲  
 寄沈八劉叟詩酒渴愛江清餘酣漱晚汀○  
 司空曙杜鵑行古時杜宇稱望帝魂作杜鵑  
 何微細今並載杜甫集○昇天行二首藝文  
 類聚郭氏樂府並作曹植而文苑以為劉孝  
 威○愛妾換馬見張祐集樂府亦作張祐而  
 文苑以為陳標

省試詩見唐宋類  
詩者名氏見異同

○孔熙先



為彭城王檄征鎮文宋書范曄傳以為熙先  
令弟休先作○杜弼為東魏檄梁文通鑑同  
類聚以為魏收作○周書皇后傳論入柱國  
論文苑題作魏徵而周書迺令狐德棻撰○  
陳畱郡文宣王廟碑文苑總目既題作獨孤  
及而兩卷重出八百十四卷八  
百四十六卷並作陳兼按  
此篇載獨孤及集中梁肅作集後敘云述聖  
德以揚儒風則陳畱郡文宣王廟碑肅出及  
門必不誤書然碑末迺云命客卿前封丘縣

丞泗上陳兼志之豈及命兼代作或及自作  
以兼為名乎○又文武百僚謝示開府魚朝  
恩以所造周易鏡圖表田神玉謝端午物表  
二篇並以為張說作按朝恩迺代宗時神玉  
大歷中為節度使張說於開元十八年已卒  
疑當作邵說文苑多有以邵  
說為張說者○為李懷光讓  
起復表二首題作獨孤及按及神道碑以大  
歷十二年四月二十九日卒而舊史載懷光  
大歷十二年以母憂去職明年方起復決非



及所作而本集亦無之疑文苑所編誤蒙前  
表名氏前表為李給事讓起復七首乃獨孤及也○元稹論裴延  
齡表二首按表論延齡譖陸贄事又云職忝  
諫司然贄以貞元丁年貶稹於元和元年除  
拾遺相去十一年而稹集亦無之○白居易  
諫不用姦臣表按表言元稹尚居台司裴度  
為京都留守事又云職當諫列然元白交分  
始終不替方元傾裴時白亦不在諫列而本  
集亦無之○梁貞陽侯與王太尉僧辯書及

為僧辯答貞陽侯書二首並題徐陵作按陳  
書徐陵傳齊送貞陽侯蕭淵明為梁嗣遣陵  
隨還僧辯不納淵明往復致書皆陵詞今僧  
辯答書又曰陵作恐非也○此類覽者所宜  
詳也

題目一

凡題目有訛舛當是正者○如張說三月三  
日承恩讌樂遊園詩三日集作二十日其詩  
云旬宴美成功則非三日矣今題作三日



編八上巳門○李白秋夜獨坐懷古集作懷  
故山詩意甚明今迺題作懷古編八懷古門  
○李益宮苑花集作宮怨詩云露溼晴花春  
殿香月明歌吹在昭陽似將海水添宮漏共  
滴長門一夜長今迺題作宮苑花編八雜花  
門○顏師古太宗廟樂舞名議貞觀十四年  
六月一日詔曰殷薦祖考以崇功德比雖加  
以誠潔而廟樂未稱宜令所司制定奏聞於  
是師古立議與後篇許敬宗定宗廟樂議實

一事也豈有貞觀中而預議太宗廟樂舞名  
乎當題作定宗廟樂舞名議○蘇頲唐中宗  
諡議冊文唐大詔令文粹並作諡冊文或謂  
此篇有臣等上議之語而首末迺類諡冊故  
題目兼云諡議冊文殆一時變禮然諡議諡  
冊文苑自分兩門此為可疑耳○柳宗元左  
常侍柳渾諡議按宗元迺渾姪孫作渾行狀  
行狀載九百  
七十七卷仍作此上考功狀下太常博士  
裴寬因諡曰貞本集並載其事而寬議不錄



今廼編在諡議中

題目二

又有題目是而文則非者○如杜甫病馬詩二首其一致此自僻遠乃蕃劍詩其二乘汝亦已久則病馬詩也○李嘉祐奉陪韋潤州游鶴林寺詩二首其一沴氣清金虎乃潤州楊別駕宅送蔣侍御收兵歸揚州詩已八二百七十一卷送行門中其二野寺江城近則游鶴林寺詩也○吳均雪詩雪逐春風來過

集巫山野瀾漫雖可愛翻揚詎堪把問君何所思思昔同心者坐須風雪霽相期洛城下此篇與類聚同而一百五十六卷重出廼作雲詩以雪逐爲雲逐風雪爲風雲誤矣按類聚自有吳均雲詩二首其一飄飄上碧虛藹藹隱青林芬氤如有意縈鬱詎無心其二白雲蒼梧來過拂章華臺逢河散復卷經風合且開○張籍送邊使安西將各是一詩二百九十七卷既有送邊使詩而三百卷安西將



又以送邊使詩充之○溫庭筠重題端正樹望苑驛各是一詩二百九十八卷既有望苑驛詩而三百二十六卷重題端正樹又以望苑驛詩充之今各用集本釐正○馬周請崇節儉及制諸王疏迺是初除監察御史論奉親宗廟襲封樂工等疏○杜佑尚書官議乃是僕射議今以新舊史增入馬周疏以通典增入杜佑議

門類

凡門類混淆當是正者○如梁簡文帝琴臺詩周明帝過舊宮詩並在應制門二詩既非應制又無和篇凡應制首或首列一篇餘奉和况琴臺詩又已編入三百十三卷臺門乎○崔國輔長信宮一首王昌齡二首元在長門怨中長門迺陳后長信迺班婕妤今移入長信宮門○費昶發白馬詩元在樂府白馬類按白馬迺津名故加發字與前白馬不同今移附於末○李尚書讓兼左僕射張說讓中書侍郎嚴大



夫武謝黃門侍郎三表皆在宰相門按唐僕射雖為尚書省長官號為宰相而李尚書迺在外檢校官制書云除臣檢核某官說以睿宗即位為中書侍郎景雲二年方同平章事則中書侍郎未便為宰相門下侍郎黃門東臺掌貳侍中之職帶平章事者為宰相如褚遂良崔日用皆為黃門侍郎或參綜朝政或參知機務迺宰相之任今嚴武為黃門侍郎初未嘗為宰相也○蘇安恒請復子正位疏又請則天

復位疏並是請武后復政太子第一篇內因及封諸孫事遂立為封建門誤矣當改為復辟第一篇又重出○皇甫湜顧況集序集作在勸進門亦誤顧況詩集序文苑元分文集序詩集序今編入文集門當在詩集中○柳宗元送徐從事北遊序此非遊宴也迺編入遊宴門當在送別中與七百三十二卷送幸殆庶遊南鄭序一類○又墓誌有宰相門職官門太子少師崔公宰相崔圓之父終河東判官贈太子少師迺入宰相門○相



國李抱真宰相周墀廼入職官門○獨孤及  
殤子韋八誌男子也廼入婦人門○李商隱  
重祭外舅司徒公文親族也廼入交舊門○  
文章門而有非文章者呂溫代辛將軍與普  
閏劉尙書代呂侍郎與徐州張尙書二書是  
也○邊防門而有非邊防者王勃與契苾將  
軍駱賓王與程將軍二書是也○遷謫門而  
有非遷謫者韓愈上李實尙書白居易上陳  
給事杜牧劉蛻投知己薛逢上崔鹽鐵等書

是也

脫文一

凡有脫文見於他本者○如梁簡文帝初秋  
詩羽翼晨猶動珠汗晝恒揮秋風忽嫋嫋向  
夕引涼歸卷幌通河色開窓望月輝晚花欄  
下照疎螢簞上飛直置猶如此何況送將歸  
浮陰卽染浪清氣始乘衣文苑與初學記無  
末二句而類聚有之集本又以此二句在輝  
字韻上恐是○劉孝綽對雪詠懷詩桂華殊



皎皎柳絮亦霏霏詎比咸池曲飄飄十里飛  
恥均班女扇羞儷曹人衣浮光亂粉壁積照  
朗彤闈鶴鶴搖羽至鸚鵡拂翅歸相彼猶自  
得嗟予獨有違終朝守玉署方夜勞石扉未  
能奏細綺何由辨國闈坐銷風露質遊聯珠  
璧暉偶懷笨車是良知高蓋非寄言謝端木  
無爲陳巧機文苑與初學記止有前八句而  
集本題作校書祕書省對雪詠懷有全篇如  
上○何遜早朝詩詰且鍾聲罷隱隱禁門通

遽車響北闕鄭履入南宮宿霧開馳道初日  
照相風胥徒紛絡繹騶御或西東暫喧耳目  
外還保性靈中方厭一作驗遊朝市此說不爲  
空文苑與類聚止有前八句而集本題作早  
朝車中聽望有全篇如上○蕭子顯日出東  
南隅王褒燕歌行類聚與文苑並略而郭氏  
樂府有全篇日出東南隅曰大明止迢迢陽  
城射凌霄光照窻中婦絕世同阿嬌明鏡盤  
龍刻簪羽鳳凰雕文苑類聚無此二句透迤梁家髻冉



弱楚宮腰輕紈雜重錦薄縠閒飛綃三六前  
年暮四五今年朝無此四句蠶園拾芳繭桑陌採  
柔條出入東城裏上下洛西橋無此二句路逢車  
馬客飛蓋動襜輶單衣鼠毛織寶劔羊角銷  
大夫疲應對御者輟銜鑣柱閒徒脈脈垣上  
幾翹翹無此二句女本西家宿君自上宮要漢馬  
三萬匹夫婿仕嫖姚鞞囊虎頭綬左珥鳧盧  
貂橫吹龍鍾管奏鼓象牙簫無此四句十五張內  
侍十八賈登朝皆笑顏郎老盡訝董公超無此

二句○燕歌行曰初春麗景鶯欲嬌桃花流水  
遶河橋薔薇花開百重葉楊柳覆地數千條  
隴西將軍號都護樓蘭校尉稱嫖姚無此二句自  
從昔別春燕分經年一去不相聞無復漢地  
長安月唯有漠北薊城雲淮南鏡一作桂中明  
月影流黃機上織成文充國軍行一作行軍屢築  
營陽史討虜陷平城城下風多能卻陣沙中  
雪淺詎停兵無此六句屬國小婦猶年少羽林輕  
騎數征行遙聞陌頭採桑曲猶勝胡笳邊地



聲笳聲向暮使人泣還使一作長望閨中空佇立

桃花落地杏花舒桐生井底寒葉疎上句一作桃抽

覆地春試為來看上林鴈應一作必有遙寄隴

頭書○沈約酌謝宣城詩王喬飛鳥為東方

金馬門云云共十韻見文選而文苑止從類

聚載上七韻無下三韻蓋類聚初學記並是

節文而文苑止以二書編之耳○顧况短歌

行文粹作悲歌三首邊城路今人犁田昔人墓岸

上沙昔時江水今人家今人昔人共長歎四

氣相催節迴換明月皎皎入華池白雲離離

度青漢以上文苑無我欲昇天天隔霄我欲渡水

水無橋我欲上山山路險我欲汲井井泉遙

越人翠被今何夕獨立沙邊江草碧紫燕西

飛欲寄書白雲何處逢來客其一新繫青絲百

尺繩心在君家轆轤上我心皎潔君不知轆

轤一轉一惆悵何處春風吹曉幕江南淥水

通朱閣美人二八顏如花泣向春風畏花落

臨春風聽春鳥別時多見時少愁人一夜不



得非瑤井玉繩相對曉其二文苑無此四句軒轅黃帝

初得仙鼎湖一去三千年周流三十六洞天

洞中日月星辰聯騎龍駕景遊入極軒轅弓

劍無人識東海青童寄消息其三無今以文

粹添入郭氏樂府又作六首內○聶夷中送

友人歸江南詩皇州五更鼓月落西南維此

時有行客別我孤舟歸上國身無主下第誠

可悲天風動高柯不振短木枝歸路無愁腸

省家無愁眉春日隋河路楊柳飄飄吹玄蓬

正收前六句今以集本增入○宋之間幸未

央宮應制詩春發幔城中集作春發幔城東

仍有四句登高省時物懷古發宸聰鍾連長

樂處臺識未央中文苑以東作中遂脫四句

○吳邁遠飛來雙白鶴詩千里猶寸移樂府

作千里猶待君仍有四句樂哉新相知悲來

生別離持此百年命共逐寸陰移文苑止作

一句遂脫二十字今各增入續添



